

## Álit

um frv. til fjárlaga fyrir árið 2010 (04 Sjávarútvegs- og landbúnaðarráðuneyti)

Frá meiri hluta sjávarútvegs- og landbúnaðarnefndar.

Sjávarútvegs- og landbúnaðarnefnd hefur að beiðni fjárlaganefndar fjallað um þá þætti fjárlagafrumvarpsins sem eru á málefнасviði hennar, sbr. 2. mgr. 25. gr. laga nr. 55/1991, um þingsköp Alþingis, og bréf fjárlaganefndar frá 19. október 2009.

Nefndin fékk á sinn fund Sigurgeir Þorgeirsson ráðuneytisstjóra og Arndísi Steinþórsdóttur frá sjávarútvegs- og landbúnaðarráðuneyti auk þess sem nokkur fjöldi gesta kom til fundar við nefndina vegna umsókna um fjárveitingu af safnliðum.

Fram kom á fundi nefndarinnar að heildarútgjöld sjávarútvegs- og landbúnaðarráðuneytis árið 2010 eru áætluð 20.006 m.kr. á rekstrargrunni. Frá dragast sértekjur að fjárhæð 1.197 m.kr. en þær nema 6% af heildargjöldum ráðuneytisins. Gjöld umfram tekjur eru 18.809 m.kr. og af þeirri fjárhæð eru 16.255 m.kr. fjármagnaðar með beinu framlagi úr ríkissjóði og 2.554 m.kr. innheimtar af ríkistekjum. Rekstrargjöld ráðuneytisins að frádregnum sértekjum eru áætluð 4.381,3 m.kr. og lækka því um 270,2 m.kr. milli ára. Rekstrarfjárveitingar flestra stofnana og verkefna sem heyra undir ráðuneytið eru lækkaðar vegna áforma um hagræðingu í rekstrarkostnaði ríkissjóðs. Við þessa hagræðingu hefur ýmsu verið forgangsraðað þannig að ekki er um flatan niðurskurð að ræða. Neyslu- og rekstrartilfærslur hækka um 1.555,5 m.kr. og verða 14.267,4 m.kr. Loks er gert ráð fyrir að skuldbindandi samningar sem sjávarútvegs- og landbúnaðarráðuneytið hefur gert nemi um 10.610,0 m.kr. á yfirstandandi ári, samtals munu samningarnir því nema um 53,6% af heildarútgjöldum ráðuneytisins á næsta ári. Nefndin telur æskilegt að halda framlagi til verkefnisins *Bændur græða landið*, sem er á fjárlagalið nr. 04-483 Landgræðsla og skógrækt í þágu landbúnaðar, óbreyttu og helst að auka það frá fjárlögum fyrir árið 2009 og spara á móti á öðrum liðum, enda er verkefnið einkar mikilvægt. Gert er ráð fyrir um 10% skerðingu auk þess sem verkefnið var skert umtalsvert í fyrra. Einnig er vakin athygli fjárlaganefndar á mikilvægi þess að Vör, sjávarrannsóknarsetur við Breiðafjörð haldi sínum hlut samkvæmt frumvarpinu á fjárlagalið 04-190-1.98.

Nefndin tók fyrir skiptingu safnliðar 04-190-1.90, Ýmis verkefni, samkvæmt beiðni fjárlaganefndar. Nefndinni bárust fjölmargar umsóknir og tók nefndin á móti fjölda gesta í tengslum við safnliðina. Tillögur nefndarinnar um skiptingu safnliðar 04-190-1.90 eru í meðfylgjandi fylgiskjali og leggur nefndin til að safnlið 04-190-1.90 verði skipt samkvæmt sundurliðuninni sem þar er tilgreind. Nefndin ræddi mikilvægi þess að fé sé varið í verkefni sem ekki eru fjárfrek en eru líkleg til atvinnusköpunar og hafði nefndin þau sjónarmið að leiðarljósi við úthlutun. Í samræmi við það ákvað nefndin að styrkja verkefni á borð við Beint frá býli enn frekar þar sem það er mikilvægur vaxtabroddur í íslenskum landbúnaði og getur

Þetta þýtt mikinn virðisauka og er atvinnuskapandi fyrir búin án þess að til mikilla fjárútláta þurfi að koma. Nefndin leggur til að verkefnið Beint frá býli fái 6 m.kr heildarfjárveitingu, þ.e. 3 m.kr eru veittar samkvæmt umsókn til að kosta verkefni félagsins samkvæmt kostnaðaráætlun en 3 m.kr. skal varið í nýtt verkefni sem snýr að því að athuga möguleika á að rýmka heimildir til heimaslátrunnar, kanna gjaldtöku fyrir slátrun hjá sláturleyfishöfum og reglusetningu ESB um heimaslátrun. Nefndin telur mikilvægt að framlög í verkefni af þessu tagi séu aukin því að þau skila sér margfalt til baka ef rétt er að staðið. Verkefnið hefur þegar sannað ágæti sitt.

Vakin er athygli fjárlaganefndar á styrkbeiðni frá Geitfjársetri sem vísað hefur verið á stofnfjárlið og leggur nefndin áherslu á mikilvægi þess að verkefni þessu verði veitt brautargengi. Rekstrarstaðan er slæm og fjárveitingin nauðsynleg til að hægt sé að halda starfseminni áfram. Þarna er á ferðinni mikið þjóðþrifamál sem er varðveisla og efling íslenska geitastofnsins en stofninn er talinn vera sá hreinasti en jafnframt minnsti sem vitað er um. Auk þess leggur nefndin til að 2 m.kr verði veitt í Geitfjársetur af fjármunum þeim sem sjávarútvegs- og landbúnaðarnefnd hefur til ráðstöfunar á safnlið 04-190-1.90. Nefndin vill einnig vekja athygli fjárlaganefndar á verkefni sem snýr að endurgerð Skaftholtsréttta. Réttir þessar eru ævafornar, hafa verið endurbyggðar og hafa mikið menningarlegt gildi og leggur nefndin til að 1 m.kr. af ráðstöfunarfé nefndarinnar verði varið í verkefnið vegna endurbyggingarinnar. Þeirri fjárhæð sem eftir stendur af safnliðnum, 3 m.kr., leggur nefndin til að verði úthlutað jafnt til eftirfarandi verkefna, Fiska- og náttúrugripasafni Vestmannaeyja, Selaseturs Íslands og Síldarminjasafnsins á Siglufirði, en það gera 1 m.kr á hvert. Verkefni þessi eru öll á fjárlagalið 02-919-1.90 hjá menntamálanefnd en koma inn á svið sjávarútvegs- og landbúnaðarnefndar og telur nefndin því rétt að leggja þeim lið.

Það er ljóst að á komandi missirum verður enn frekari niðurskurður sem verður mörgum greinum erfiður, nefndin ítrekar því mikilvægi þess að við niðurskurðinn sé lögð áherslu á að halda inni verkefnum sem líkleg eru til að skapa atvinnu, spara gjaldeyri og auka gjaldeyristekjur en að saman skapi takmarka fjölda nýrra verkefna sem ráðist verður í.

Ögmundur Jónasson og Björn Valur Gíslason voru fjarverandi við afgreiðslu málsins.

Alþingi 12. nóvember 2009

Atli Gíslason

Ólína Þorvarðardóttir,

Róbert Marshall,

Helgi Hjörvar með alm. fyrirvara

## Sjávarútvegs- og landbúnaðarráðuneytið

### Ýmis verkefni (04-190-1.90)

Fjárhæðir í m.kr.

Umsækjandi	Samantekt	2009	Beiðni	Afgr.
Æðarræktarfélag Íslands	Æðarræktarfélag Íslands.	0,5	0,5	0,5
Beint frá býli	Beint frá býli.	2,0	2,0	6,0
Atlantskel ehf.	Atlantskel ehf., nýting á villtum stofnum kræklinga.		12,0	0,0
Landssamtök skógareigenda	Landssamtök skógareigenda, starfsmaður.	7,0	13,4	7,0
Atvinnuþróunarfélag Vestfjarða	Fiskeldi í Súðavík, rannsóknaraðstaða.		1,0	1,0
Garðyrkjufélag Íslands	Garðyrkjufélag Íslands, landsbyggðarþjónusta.	1,5	1,5	1,5
Gróður fyrir fólk í landnámi Ingólfs	Gróður fyrir fólk í landnámi Ingólfs.	5,0	7,0	5,0
Vottunarstofan Tún ehf.	Tún, vottunarstofa, þróunarstarf.	4,5	7,8	5,1
Laxfiskar ehf.	Laxfiskar ehf., atferlivistfræði laxa í sjó, kortlagn. með vísun í stefnuvirkni laxa yfir sjógöngu.	2,3	2,3	2,3
BioPol sjávarlíftækni-setur	Hrognkelsarannsóknir, BioPol og norðurlandsdeild Veidimálastofnunar.	3,0	5,0	3,0
BioPol sjávarlíftækni-setur	Lífnaða og örverufræði Húnaflóa, Biopol. Tæki.		2,9	1,5
Sveitarfélagið Skagaströnd	Sveitarfélagið Skagaströnd, BioPol, rannsóknir á hrognkelsum. Stuðningserindi.		3,0	0,0
Sveitarfélagið Skagaströnd	Sveitarfélagið Skagaströnd, BioPol, tækjakaup. Stuðningserindi. Störf tengd NV-nefnd.	1,0	3,0	1,0
Vör, Sjávarrannsóknarsetur við Breiðafjörð	Vör, Sjávarrannsóknarsetur við Breiðafjörð, uppbygging.	*	6,5	1,2
Kvikmyndun lífríkis á grunnsævi við Ísland, Björgvin V. Arngr.	Rannsóknir á lífríki á grunnsævi við Ísland.	1,4	2,7	1,5
Helgi Sveinbjörnsson	Dýragarðurinn Slakki.	1,5	5,0	1,5
Gróður fyrir fólk í Fjarðabyggð	Gróður fyrir fólk í Fjarðabyggð.	3,0	3,0	3,0
Snæfellsbær	Snæfellsbær, Vör, sjávarrannsóknarsetur við Breiðafjörð. Stuðningserindi.		0,0	0,0
Langanesbyggð	Langanesbyggð, Strandabúið.	**	4,0	1,5
Eyjafjarðarsveit	Eyjafjarðarsveit, eyðing kerfils.	1,6	3,0	2,0
Þróunar- og nýskv. Veidimálastofnun	Álaverkefni. Glerálar og veiðar á glerálum til álaeldis.	1,3	1,7	1,7
			87,3	46,3

Til ráðstöfunar samkvæmt fjárlagafrumvarpi 2010

52,3

Eftirstöðvar til ráðstöfunar:

6,0

\* í fyrra voru á 04-190-198 4 m.kr. Féll ekki í fyrra frá fjárln. í fr.v 2010 eru 26 m.kr á lið 04-190-198

\*\* fékk ekki í fyrra - var á lið 11-299-150 (nýsköpun og markaðsmál - iðn)

Geitfjársetur 2 m.kr.

Skaftholtsrétt 1. mkr.

Fiska- og náttúrugripasafni Vestmannaeyja 1 m.kr. , Selaseturs Íslands 1 m.kr. og Síldarminjasafnsins á Siglufirði 1 m.kr, samtals 3 m.kr